

Broj: 13/04-02-2-627-1/24  
Sarajevo, 04.06.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE  
SARAJEVO**

Org. jed.	Broj	Priloga	Vrijednost
	05/1-02	204	24

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
ZASTUPNIČKI/PREDSTAVNIČKI DOM  
Tajnik/Sekretar

n/p Ivan Miličević, tajnik/sekretar

**PREDMET:** Odgovor na zastupničku inicijativu, dostavlja se

**VEZA:** Vaš akt broj: 05/1-02-204/24 od 23.04.2024. godine

Poštovani,

Vašim aktom, broj i datum kao u vezi, dostavili ste Poreznoj upravi Federacije BiH, Inicijativu koju je podnijela zastupnica Amra Junuzović – Kaljić na nastavku 10. redovite sjednice Zastupničkog doma Parlamenta Federacije BiH održane 22.04.2024. godine, kojom se traži uvođenje online podnošenja godišnje prijave poreza na dohodak.

Shodno prednjem, iz segmenta nadležnosti Porezne uprave Federacije BiH, u prilogu akta dostavljamo odgovor na podnesenu zastupničku Inicijativu.

S poštovanjem,

**Prilog:** Odgovor na zastupničku Inicijativu

**Dostaviti:**

1. Naslovu
2. U spis
3. a/a



**Broj: 13/04-02-2-627-1/24**  
**Sarajevo, 04.06.2024. godine**

**N/r gđa. Amra Junuzović – Kaljić, zastupnica**

**PREDMET:** Odgovor na zastupničku Inicijativu gđa. Amra Junuzović – Kaljić – zastupnice u Zastupničkom domu Parlamenta Federacije Bosne i Hercegovine

**VEZA:** Vaš akt broj: 05/1-02-204/24 od 23.04.2024. godine

Poštovani,

Porezna uprava Federacije BiH – Središnji ured Sarajevo zaprimila je akt Parlamenta Federacije BiH, Zastupnički/Predstavnički dom, broj i datum kao u vezi, kojim je Poreznoj upravi Federacije BiH dostavljena Vaša Inicijativa, kojom se traži uvođenje online podnošenja godišnje prijave poreza na dohodak.

Porezna uprava Federacije BiH podržava Vaš inicijativu i želi istaći da je Federalno ministarstvo finansija navedeno propisalo podzakonskim aktom.

Naime, donošenjem Pravilnika o izmjenama i dopunama Pravilnika o primjeni Zakona o porezu na dohodak koji je objavljen u „Službenim novinama Federacije BiH“, broj 36/24 od 17.05.2024. godine članom 11. se u članu 75. Pravilnika o primjeni Zakona o porezu na dohodak dodaje novi stav (5) koji glasi:

"(5) Porezni obveznik Obrazac GPD - 1051 dostavlja Poreznoj upravi ili nadležnoj poreznoj ispostavi ili elektronskim putem upotrebom kvalificirane elektronske potvrde ukoliko imaju za to stečene uslove."

Takođe i članom 7. stav 1. Pravilnika o poreznim prijavama („Službene novine Federacije BiH“, broj 36/24 od 17.05.2024. godine) propisana je mogućnost da se porezne prijave koje podnose porezni obveznici podnesu Poreznoj upravi između ostalog i elektronskim putem upotrebom kvalificirane elektronske potvrde i elektronskim putem upotrebom Izjave uz ispunjavanje dodatnih uslova. Naime, stavom 2. navedenog Pravilnika propisano je da je predaja poreznih prijava elektronskim putem upotrebom kvalificirane elektronske potvrde omogućena samo onim poreznim obveznicima koji posjeduju kvalificirani elektronski potpis, a stavom 3. da je predaja poreznih prijava elektronskim putem upotrebom Izjave omogućena samo onim poreznim obveznicima koji su o tom načinu predaje dali odgovarajuću izjavu i koji prijave svoje zaposlenike ovlaštene za komunikaciju sa Poreznom upravom elektronskim putem.

Poreznoj upravi Federacije BiH su odobrena sredstva i raspisan je tender za javnu nabavku „Uvođenje digitalnog potpisa u proces prihvata i obrade podataka iz poreznih prijava, prijava osiguranja i ostalih prijava i dokumenata u IS-u PU“, te će se nakon okončanja postupka i u zavisnosti od ishoda istog, pristupiti implementaciji digitalnog potpisa u informacionom sistemu Porezne uprave Federacije BiH, čime će

se ispuniti uslovi za upotrebu kvalificirane elektronske potvrde, te će porezni obveznici biti u mogućnosti da Obrazac GPD-1051 - Godišnja prijava poreza na dohodak podnesu i elektronskim putem.

Napominjemo da gotovo svako donošenje i izmjena zakonskih i podzakonskih propisa, čija je provedba u nadležnosti Porezne uprave Federacije BiH utiče na izmjenu programskih rješenja koja prate poslovne procese Porezne uprave, a samim tim i neophodna finansijska sredstva.

S poštovanjem,

**Dostaviti:**

- 1. Naslovu**
- 2. U spis**
- 3. a/a**

